

وَلَوْ... حَتَّى!!

مطبوعات الفجر ٤٠

شعر:

منى عوض

تقديم

د. يسرى العزب

مطبوعات الفجر
تصدر عن جماعة الفجر الأدبية بالقاهرة

المشرف على التحرير

لكنور يسرى الغرب

المراسلات باسم : المشرف على التحرير
الجيزة - أرض اللواء - فيصل
١١ ش محمد منصور
تليفاكس ٥٧٠٢٢٤٢

لوحتا الغلاف والرسوم الداخلية
للغناء : منى عوض

الإهداء

إلى الوطن الحبيب ...
إلى الأرض .. والسماء ..
وإلى كل الأعزاء
إلى أسرتي الغالية .. وأحبائي الأبناء
حفظهم الله
إلى قلبي الذي يحتوي كل هذا الحب.
أهدي هذا الديوان

منى عوض

٢٠٠٧/٣/٢١

تقديم

بقلم الأستاذ الدكتور/ يسرى العزب

هنا بالفعل خطوة فنية جديدة وقوية تجعل
الشاعرة الفنانة المهندسة / منى عوض تتربع على
أريكة العامية، وتتطلق براحتها في مشوار الإبداع
الفني الجميل بشعرنا العامي المصري الذي يكتسب
دائما أفضل المواهب .. ومنها هذه الموهبة سريعة
التطور والطلوع الجاد على سلم الصعود.

د. يسرى العزب

٢٠٠٧/٣/١

كلمة

ما أحببت قصيدة كتبتها في هذا الديوان مثلما
أحببت قصيدة "أيام لها شذى" وهي التي أهداني الله
تعالى بها فيضا نورانيا وحبا غمر قلبي لذاته العلية
فكتبتني سطورها.

وقد أدهشني أنه في المراجعة النهائية لهذا
الديوان لم يقترب منها الأستاذ الدكتور/ يسرى
العزب بأي حذف أو تغيير، ورغم أنه قال لي من
قبل: إنها قصيدة طويلة وجميلة فإني تركتها كما هي
وتركها هو أيضا كما هي. وأنا أؤمن أن ذلك ليس
لأنها قصيدة جميلة - فكل عمل سواء كان رائعا أو
متوسطا أو ضعيفا تتباين فيه وجهات النظر والنقد -

ولكنه لأنه يمتلك في قلبه الزاهد حبا كبيرا وتسليما
لله سبحانه فقد أحب هذه القصيدة كما أحببتها.
ولا أجد في هذا المقام أجمل من أبيات شهيدة
العشق الإلهي رابعة العدوية وهي تقول :

أحبك حين حب الهوى وحبا لأنك أهل لذاك
فأما الذي هو حب الهوى فشغلى بذكرك عن سواك
وأما الذي أنت أهل له فكشفك للحجب حتى أراك
فلا الفضل في ذا ولا ذاك لي ولكن لك الفضل في ذا وذاك

وأسأل الله أن يوفقنا جميعا لكل ما هو خير وحق
وجمال.

المهندسة منى عوض

خلاص القلب

خلاص القلب ما اتوزع

لكام حنة

ولا ينفع

أشيلك منه

أو تطلع

وباقى منه كام حنة

وأولها مع الأحباب

وقاعدين من زمان فيها

وعارفين إنهم بيها

بيبقوا العيلة والمطرح


بيحكوا الضلة واللثة

وجدران كانت الضمة
تدفيني وادفيها
ما يوم أنسى لياليها
دي هي الذكرى والأصحاب
وحنة تانية للغالي
ضناي وكل أموالي
سرايتي وكل دنياي
أفوت من بابها العالي
ألاقي القلب يتداوى
ويتقوى
ويفضل قلبي علشانك
خلاص خدته وهنته
وجوه الحب حطيته
رويته من هوى قلبك
سقيته من نعيم حبك
ومهما احايه.. ولا يسمع

ما عادشي خلاص .. ولا ينفع
أشيلك منه..
أو تطلع.

٢٠٠٥/٦/١٦

* * * *





حاولت أنساك

حاولت أنساك وماقدرتش
بعدت عشان تنسّيني
مسافة بين تقوّيني
على بُعدك وشوق وحنين
ببمشي معاي ويجيني
وبتفكرني ببك ذكراك
وحب ف قلبي كان وياك
بيسعدني يراعييني

ويسمعني ويرضيني
ويحكي ع اللي شفته معاك
وكان في لقاءك مهينني
مشبعني مكفيني
بكل حنان ييقيني
أكون وياك ولا أنساك
ومين يقدر ينسيني
حنان في زمانني وعشته معاك
وأنسى ازاي ضيا روعي
بييجي لي من شمسك
ويتوحد ويبقى ضياك
وأعند لاجل ما تجيني
وأشطب بالألم أيام
ويكتب بالقلم بوعي
وينده لك سطور جاية
وتسمعها وإننت بعيد

ألاقي قلبي وعيني
محاوطينك وواخدينك
ما تقدر ع البعاد تاني
وتتمنى أكون وياك
وأتمنى أعيش في هواك
وأحاول أنسى أحزاني
واسد الجرح بايدي
عشان ألقاك
وترجع لي من تاني
وأرجع لك
وتنده لي تلقاني
وأحاول أنسى ما اقدر شي

٢٠٠٥/١/١٢

* * * *



لمين يكون التاريخ؟!!

.. ولمين يكون الكلام والاحترام والتاريخ؟
ومين يرد السلام.. وانت الشهيد الحي؟
وانت الجمال والقيادة .. وانت النضال والضي
تمشي كأنك سما .. تهطل كأنك ريح
ترجع أسود الحمى .. وتصون معاها الحي؟

مين يكتب الأيام .. يحفرها ويا الدم؟
مين حقق الأحلام .. وبدرها زيك عزم؟
مين ودّع الآهات .. ورسمها لوحة ضي؟
مين استدار للتراب .. طواه وراح للسحاب؟
ترجع معاه الدار حتى الجراح طوعه
يخفض جبينه التاريخ .. لبهاه ونور روحه
الله عليك يا ضي.. في الحسن غطى الهضاب
الله يا (نصرالله) عايش في توب الشهيد
والعزم منك حديد

كل الرجال أبطال طالعين معاك السحاب
كل الرجال (نصرالله) ويا البارود بتقيد
بتقيد مشاعل بطولة.. ويا الشباب البطل
والعيد بيقى الشهادة .. لما النضال بيريد
الله على الأخيار واقفين كما الأشجار

الله على الأحرار .. وكل واحد بطل
لما يكونوا النار .. ويكونوا نور الأمل
لما يصدوا اللي جاي .. يهدم ويحرق أرض
ولمين يكون الكلام.. لما الكلام يعجز؟
يوفي بحق الوطن .. لما السلام يخرس؟
يضرِب سلام للعظام اللي بتدي الحياة
لما يكون الخلود .. ويا الشهيد توبة
اللي يصون الحدود.. واللي بيبيّن الوطن
واللي مع الأيام .. يبقى المكان والزمن
ويبقى هو الكلام
كل الكلام الجد ..

٢٠٠٦/٨/١٥

* * * *



في قلبي لسه

أنا قلبي كان .. نبضه معاك
وكان بينسى
عذاب جفاك
لما بتاخده لجنتك
وقت السحر
لما بيبقي ف صحبتك
ويا القمر

والكلمة منك بتداويه
والضمة لقمة تشبّعه
ما هو أصل قلبي بيرتوي
لما الحنان بيصّبحه
ويكون أمان يسعى إليه
ويعيش لحبي ويحتوي
دقاته لما ترجّعه
دا الحرف عنده ألف ميل
والكلمة تبقي ليه دوا
لما بتسقيه الهوى
وتأخذه وتطبطب عليه
بياخذني نورك وانصهر
وأقول أنا أصلى بشر..

٢٠٠٥/٦/٣٠

لما باعيش

لما باعيش علشانك..

.. باتعب

بازعل واغضب

مش بالاقيك .. بتدفي الدار

مش بالاقيك .. بتعيش علشاني

ولا في عينيك سكتي ومكاني

لما تسافر أو تتغرب

واما بترجع ترجع لي

محتاج حب مع الحنية

مشتاق قلب يكون لك ثاني
حزن إيديك .. بيعدى زمني
تبقى الحاضر لما تقرب
وانسى معاك أيام وأسية
بارجع ليك وبترجع لي
تبقى مهاجر لي وفي
وارجع اعيش علشانك..
.. واتعب

وازل واغضب
وانسى زمانك لما زمني..
يلقى مكانك هو مكاني
ترجع تدفا الدار من ثاني
والقى عينيك سكتي ومكاني
لما تكون سهران وحداني
لما الاقايك بتعيش علشاني
مهما بتبعد أو بتقرب..

٢٠٠٥/٩/٢٧

خوفي عليك

اوعاك تكون رايح بعيد
اوعاك تغيب
لو غبت كل الكون يموت
ما اقدرش اعيش
انت الهرم ..
والحب والنور والألم
بيهم باعيش
وياك أنا باقدر أعيش

وياك باحس بدنيتي
ومعاك ببقى جنتي..
فوق القمم
او عاك تغيب
او عاك تموت
خوفي عليك
دي الوقت أكبر م الألم
لازم تعيش
جواي تملاني نغم
ترعاني بالحب الحنون
من تاني تنساني الظنون
أيام حياتي كلها.. لاجلك تعيش
تتمنى دايم تسعدك
تفضل لك انت ما تنتهيش..

٢٠٠٥/٩/١٨

* * * *

الرقص

وصوتك جاي مثلون
بيدبحني مع القسوة
مرار في القلب يتمكن
ونار في البعد تتكون
وتسكنني وتتكلم
وتحرق ذكريات حلوة
وأنا باسمع وأتألم
وأفتت يسحقني
كلام من قلب بيتحكم
في نبض الروح ويعلم

رياح تقلعني من داري
وموج يحدفني للصخرة
وأه من كلمة تقتلني
وكانت ضمة ترويني
وترسم لي طريق بكرة
وأنا فأكراك بتحميني
بتقسم لي موالى
وتزرعني مع الألحان
ربيع مزدان
حنان وأمان
وأنا محتاجة أسمع لك
يجيني الصوت مع القسوة
معاه الموت بتقطعني
أحاول ثاني أندك
ألاقي نفسي مش باقدر
وجواي الألم يكسر..
حدود الحلم والأيام..

لساك يا قلبى

يا قلبى يا اللى مالىك..
الحزن وانت بعيد
هتعيش وحيد فى الخن
اللى بقى لك بيت
وتبقى فيه مكنون

يا ماسة إنت وزمرد
وتخش جوه المحار
وتغوص في أرض البحار
والا هترجع إليك
وتعود معاك للديار
هي الديار اللي واقفة
عند الحدود والمدى
وهي أشجار وشايفة
البعد موت وانكسار
أشجاري ترجع لداري
ويا القيود والرضى
وقلبي يرجع إليك
يركع مداري هدى
وحبي يفضل في قلبي
والقلب واخذك معاه

في حزن داري بقيت
الحب رايدك ضياه
والركن جوه البيت
شايلاك في قلبي بيت
بيحن ليك تيجي
مهما يكون ناوي
ع البعد يرجع لك
ويبقى غاوي العناد
يعند وينده لك
ويحن لك .. تيجي..

٢٠٠٦/٨/٢٤

* * * *



حايش جواك*

ولا تلوميه .. ولا تعاتبني
ولا تسيبيه .. ولا تحاسبني
وما له لو يعيش جواه
وويا الذكرى يتغطي
دفا من ريش نعام أخضر
أنا بارجع
وباتسلل لنبض القلب
صفا ومنام عشان يهدا

^١ إهداء للشاعرة الفاضلة المرحومة "ليلي محمد علي".

وبيقى بيه مكان يسمع
وفا في العهد ويا الحب
وأيام كنت فيها معاه
بتسطع جوه أيامك
وتخشع لما الآمك
بترجع لي بالآمي
وأنا وحدي وباستناه
ومش عارفة أجيبه منين
ولا هوّ بيبقي لمين؟
وأنا باجري بعمرى معاه
هنا يسرى مع لقياه
يصبرني وما اتغير
ويقهرني وأنا باسهر
وأستني ليالي يعود
ويملاني زهور وورود
وبيقي ليّ دار وحدود
وأوراق فيها باستني

كلام في الحب ليه معني
بيحكى عن هوى قلبين
ويشكى من مرار البين
ويرجع لي نزيه وأنين
وانا باكتب معاه عمرى
وكنت هواه وكان فجري
وكان لي فرس جامح
وكان بي نعيم وحنين
وكان يقصد يكون دابح
رضا قلبي وانا في حماه
يخليني أشوف وياه
حاجات تملاني بالحيرة
ومش قادرة أعود تاني
لمملكتي وأغصاني
باعيش وياه وفي الغيرة
بيبقى سعيد
وبيقي لي جوه البيت

ساعات مليانة شوق وعتاب
وأوقات من نعيم وعذاب
واحايل فيه وانا المهموم
أنا المجروح وانا المصطدوم
وعمرى يمر بدموعي
وناس تحدفني بيه بالطوب
يقولوا ليه قلعت التوب
وسبت ليه حيطان قصر ك؟
كسرت ليه بيبان ماضي
كانت حامياك من ضهر ك؟
وكان الموج ساعات هادي
ما كانش محيط ما هوش راضي
ولا انت عارفة فين أراضيه
وانا بارجع
باعيش في نبضه من جوه
واقول لك عهده دا هوّه
وموج عالي يعود نوة

بتخبطني وتحذفني
أكون مرة.. ف دفا قلبه
ما ليش غيره مع حبه
ومرات يبقى مش فاضي
واكون وحدي في قلب التيه
وأستناه يعود لي
ويا هواه يكون بي
نسيم يرجع لي ويهدا
نعيم يسمع لي واتغطي
معاه من تاني بالأشواق
جحيم وفراق
هوى مسنون
وبتعاتبيه عشان جواه
سببيه يدخل
يعيش من تاني للذكرى
يكون وياي وحداني
وأنا صورة ومش شايقة..

لكن عايشة في وجدانه
بیرجع لي أعیش وياه
سبیه یرجع
ویرکض جوه أحزانه
فرس جامح
ولا تعاتبیه ولا بیسمع
ولا تحاسبیه وما بینفع
وعیشي الیوم بعید عنه
عشان النار ما تحرقکیش
عشان الدار تكون لیک
حیطان وأمان
ولا تشوفیش مرار منه
ولا تكوني ملاک أبيض
یعیش وياه ویتحد
تشوفي هلاک ویبسدد
سهامه جوه نور قلبک
تشدک من نعیم دریک

وما تطوفي بحنان وياه..
ولا حتى أمان في هواه
ولا قدرة تكونني معاه
كما ظله

أنا اللي كنت بيه ظله
وكننت بأعاني وبأحاييله
وما قدرتش أكون إلا
ربيع أحزان مع الذكرى
باعيش جواه وجواك
وباقسم روحه وبياك
وبا رجع ثاني في لقاءك
باقول جواه : أنا ليلي

٢٠٠٥/١٠/٢٩

* * * *

دنيا السلام

ألم وفراق وناس بتموت، وناس ثانية بدم تسود،
وتطلع جوه نار وبارود، بتقتل بيه أمم وشعوب،
وتسحل فيه تاريخ مكتوب، بيتقطع مع الأوراق
ويتوزع مع المكتوب، وجاي وياه وطن منهوب،
وبيمهد عشان يضرب، وتجري بالدم الأنهار،
محارق موت مع الوديان، ويتحدد زمان يسحب
من الأيام عروبتنا وحدثنا وماضينا ويحدد

هوان يغضب، يبكي الدار مع الأيتام بوادينا
وينعوا الجاه مع الأحلام مع البنيان مع الأمجاد،
وحلو ضياه مع الفتوحات مع الإسلام وكانوا ليه
عرين ضرغام، يذودوا عنه بالإيمان وبالأخلاق
ونور وجدان تكون النفس بيه قوة تصون الشمس
في كوة، تورق في القلوب نخوة تخلي الكل بيه
واحد، ويبقوا الأهل والرافد مايرضوا يأمنوا لما
الوحش ببيجي لهم ومادد إيده ببسّم وبيشيلهم
عشان البطش عارفينه هيبقي النهش في ديلهم
وفي راسهم ومحصولهم ولو قطعوه وعالجهم
وداروا في التراب خالهم وخدمهم تاني في حضنه
وغيبهم مع سفنه ومتّعهم ومن صحنه بطعم الدم
من روحهم هيرجع تاني بنهشهم ويتقوي
بأحسنهم وأضعفهم ما تفرقشي مع ليلهم وهم
معاه ببسنتقوا على الميت ويتحاوروا على
الترابيزة في الميت ويتشاوروا مع الأنخاب مع

السيد هياخدوا نخب أوجاعهم جاييها لهم معاه
تاني وإمتي الدور هيلبسهم ومين هيدور في
مجلسهم يمهد تاني للجاني عشان يقتل عشان
يسحل عشان يسلب من الأوطان جسد فاني يعود
ميت وكان ميت.. وجوه الوحش متقيد ومستنتي
عشان يسأل هيرجع للعدم إمتي؟ لكنه ما قدر
يسأل.. ولا يعرف هيبقي الدور عليه إمتي؟
ومستنتي!!

٢٠٠٥/١٠/٢٨



وگو... حتی!!



إيه اللي بيخليني اكون ماشية وانا شايلاك
في قلب القلب وعيني .. وأنا عايشة هنائي معاك
لو حتى طال البعد والأيام تباعد في المنى بينك وبينني
لو حتى دار السهد في الأنغام ..
وواعد ضني قلبي وأشواقي وحنيني
ولو حتى مدار البصر والأحلام بقي واحد
بعيد حتي عن الذكرى عن الفكرة تتاديني
ولو حتى ماعادش الصوت يشاغلني
ويدخل جوه أشجارى ف شراييني
ولو حتى أنا نفسي باقول للروح خلاص إنسى
ولو حتى باكون حرة وانا قلبي يعود لي

وببقى نبضه بايدي وفي عيني يداريني
ولو حتى باشوفك زي مايقولوا في توب دايب
ما بيغطيش ولا يدش ولا يقدر يكون لي..
.. عيوني وشطي وسفيني

ولو حتى ما أقدر بيك أقول للناس دا هو داري
باعيش فيها وبازرع فيها مرجاني...

ورياحييني

ولو حتى أفكر ليك تطول الكاس وتشربها تعود
لي وتوبك لسه متقطع ومتوزع ما بين شطاني..
... وأنيني

ولو حتى ... مانيش وياك غير الأحلام
مع الأيام أعيش بهواك وترجع لي وتديني
أنا وياك وبامشي معاك واعود لي بأنس لقاك
تعود تاني وتهواني .. تكون لي واكون بلكاك..
.. ولو حتى!!

* * * *

٢٠٠٦/٨/١٣

تحن القلم



باحفر بفاس القلم
في اللي بنيته زمان
واكسر مداس الألم
والخوف مع القضبان
اللي معاه الحياة
عاشت سنين ساكنة
وجوه جوف بركان
مشتاقة كلمة حب
مشتاقة ضمة قلب
ونهر يدي أمان..
* * * *

٢٠٠٦/١١/١٤



وتغريبة

وتغريبة الهلالي .. في سكة سفر
ما كنتش حاسة .. بيها لحد ما عشتها
وشفتك فيها .. بتقول للشجر
عن حلمك للعلالي وشوقك للخطر
وغربة دنيتك
ونداهاة سفر
خدتني وشدتك
من كام سنة زمان

ضاق الوطن في عيني.. زي ماضاق معاك
كان كل خطوة جاية بتشدني لهنالك
سفر .. سفر .. سفر
والخطوة تبقى حية لو تبلغ منتهاك
كان إيه المنتهي؟!

أشوف الدنيا صافية .. بعيد ورا الحدود
وطول ماأبقي ماشية .. أبتر في النقود
وأجيب من لبس برة .. للأهل وللبيوت
والاقي عيشة حلوة .. متزينة بياقوت
وكل حاجة سهلة .. وأنا واحدة مهندسة
يعني في الرحلة مكسب .. وأنا برضه كويسة
ما هو أصل الناس هناك .. غير ناسنا اللي هنا
في أوروبا كل حاجة .. مليانة بالهنا
والأرض تحفة خضرا .. سهرانة جوه (مود)
يخلي الغربية صحبة .. ملفوفة بالمنى

* * * *

وسافرت أنا برضه بره .. تغريبة بنت حرة
عايشة أحلام هنية .. وكلام مردوده لي
دي الدنيا تبقي حلوة .. لو تنوي ع السفر
خدت شهادتي الكبيرة .. في الشنطة مع الفلوس
ونويت أكون أميرة .. والعهد على القدر
يقول للعبد اسعى .. وارمي حمولك علي
والعيشة الجد راجعة .. لتفكير البشر
وأنا طبعي جد لكن .. أنا باعشق السفر
وعايزة الدنيا أحلى .. في الأرض وفي الشجر
والناس الحلوة برة .. في البرد يذفوا نبض
والعيشة لا هي مرة .. ولا ناس تاكل في بعض
والشغل ده حاجة سهلة .. راح يبجي لوحده لي
ما انا أصل تخصصي .. طاقة وثروة غنية
وسافرت يا الهلالي .. تمام زيك لغربة
بس انت كنت رايح .. لبلد عربي وصحبة
وانا كنت رايحة وحدي .. لغربتي ف أوروبا

ولقيت أول وصولي .. شباب مصري كثير
عاشين صحبة في بيت .. ظاهر شكله جميل
وشوارع زي لولي .. بتبرق في المطر
وكثير بقوا ينادوا لي رايح فين القمر؟
أستغرب .. برضه بره .. بيبعكسوا في البنات؟
ولما اتعب وأقعد .. في شارع ع الرصيف
الآقي ألف بسمه .. بتطل من الوجوه
وكام عربية فخمة .. بتقف لي تحاوطني
تفضل ماشية وراي من غير ما اديها ودني
في برد أوروبا برة .. وأنا واقفة في المطر
بسمات غريبة لزجة .. تشعرني بالخطر
وانا لسه ما شفت دنيا ولا أعرف مين؟ وليه؟
وأهين من الغربية برة .. والدنيا ما فيش سما
وعيون ذنبية مرة .. وجاية مصممة
وانا كنت فاكرة نفسي .. باختار أحسن جمل
دي ذكريات بعيدة .. وليه فكرتني..

بأحلامي الوئيدة؟! ..
تغريبتك رجعتني للذكرى والألم
وحكايتك قطعتني .. ميت حنة في الندم
وزيك ما التفتشي .. غير اخوي ف غربته
وزيك ماحماني غير مصري بلقمته
لقيتهم زي عيلة .. حاوطتني بالحماية
مع إن كل واحد .. كان أولى بالرعاية
وكانوا بيستخبوا م الشرطة والمطر
لقيت الغربية .. صعبة
وتمنها كثير وغالي
فضلت ارجع لبلدي
زيك ياسي الهلالي..

٢٠٠٦/١١/٤

* * * *

ويبقى العرش

ليه الموت ما بيونش؟
وليه يختار؟
بياخد أحلى مافينا
بيقطف أجمل الأزهار
ويحذف موكب الرايحين
بنعش جديد

ويجرف أرض متناخدة
مع الآلام ومن دجلة..
.. إلى حطين
حليف الشر والشيطان
بيهدم كل يوم قلعة
لا يستنى ولا يرحم
ويبقى الشر متسلح
وقلبه الصخر ما يحسش مع الأحزان
... ولا بيعيش
ولو عاش ويا طيش عمره مع الشيطان
نصب نفسه خليفة يحارب الرحمن
وكان درسه مع الأشرار في كل مكان
يحفظهم ويمسكهم
بكلمة سر واخدينها وأتباعهم

يحاربوا بيها "عبدالله"
وعبدالله قوي ع الموت
ولما الموت بينده له ما بيهموش
وبيروح له ويجري له ما يحسش
بأي آلام يعانيها جسد فاني
ببقي الموت أجل حاتي
بياخده ف حضنه يطلع به
.. إلى الرحمن
شهيد بيحصل الشهدا ويتزفه
قلوب خضرا بتتفرع وتتجمع
ولما الموت يحايلها عشان ترجع
أنين مكتوب بيوصلها ولا ترجع
لأرض الشر ما ليها.. ولا تركع..
لغير الله ولا تعرف..

غير انه الموت وهي الباقية بتعشش
ويبقى العِش "نور الله" ..

٢٠٠٦/٦/١١

* * * *



اللى حصل

اللى حصل كان شيء لا يمكن يتوصف
كان شيء معاه كل القلوب..
.. انتقطعت

تبكي على القلب اللي راح
مطعون بدنيا من جراح
وهو واقف يتعديم

وكأنه كان يوم المسيح
لما اليهود اتجمعوا..
واتوزعوا
حواليه وعنده بالخيانة
بالشر والحق الدفين
رفعوه على جسم الصليب
لكن ما مات
ده الموت نزل له لما متنا
وكلنا من لحمه بايدنا
ورضينا دمه يبقى عيدنا
هللنا .. قلنا .. الله أكبر
لما أذان الفجر لاح
وهو واقف منتظر
إنه يعيش بعد الممات

يا نور ملامحك يا بطل
صامد جسور زي الجبل..
انت الشهيد
ما كنت خايف م العدا
ولا كات دروبك موصدة
وكننت أوضح م النهار
عديت حدود الاحتمال
... عشت الخلود
همّ اللي ما توا ...
لما جابوا الموت إليك
كل اللي لف الحبل مات
وانت اللي عايش في الزمن
بكرة التاريخ راح ينحني
قدام صمودك والوطن ..

يروى بسيرتك كل بيت
كان النواح فيه التمن
لاجل الرجولة في الخصال
تروي تراب الأرض نور
ده النور على جبينك يدور
يطلع لفوق ويعود مطر
يبكي على الوقت الخراب
اللي بيحصد في الشباب
واللي بيحرق في الوطن
زي الصحابة والمسيح
انت اللي هتعيش في التاريخ
وانت الجمال.. وانت الرجال
انت اللي عاش كل المحن
وانت اللي هتعيش للزمن

رمز الصمود ويا النضال

وانت بتهجم ع المحن..

يحيا الرجال..

يحيا الوطن..

٢٠٠٧/١/١٩



حالة الاكتئاب

كل ما نمشي نلاقي حبتين
م الأمل متبعترين
جوه غيط الاكتئاب
بحر من توهة وضباب
قد إيه ضلمة وغويط
شطه يملا التيه أنين
هو زي الحلم فينا مطاطي راسه
خايف انه لو وقف هيضيع شذاه
وسط موج الوهم يبحاوطه العذاب

ويا شوك العمر سابح..
لاجل مايدوق التمني صاحبه دايمًا للسراب
وف حروف الجر رايع
عند بستان التدني .. يقلع المشوار
... ويدخل جنتين
جنة والحارس عليها..
الدهر في حلوه ومرارته
جنة من أشجار .. ومن أزهار
ومما لا ترى عيني سواه

٢٠٠٦/٦/٢٠



باصنع اللحظة

باصنع أنا اللحظة
اللي باشوفك فيها
في توب لايق
وزي ما أنا عايزة
وانت بترضيني
دايما ترسّيني
في الموج أشوفك شط
يندهني يهديني
في الفجر تبقي الندى

والسحر ويا المدي
تنزل في أوراقي
تغسلني وتغطيني
في الصحرا تبقي الفضا
آخر حدود الشوف
والأمر بالمعروف
والخيمة وسط المرائب
فخيمة زي القوافي
اللي تعيش وتطوف
تاخذني وتدفيني
ولما أقول إخلاص
أنا عايزة أشوف إخلاص
يتحاكى بيه الناس
ألقاك فارس قديم
وهواك حارس كريم
يرسم ملامح نبيل

في الحب فاق الكل
في الحر يبقى الضل
في البرد يبقى الدفا
يخلص ويراعيني
ولما تبقى بعيد
باصنع أنا اللحظة
اللي تكون فيها
وانت وحيد وبعيد
عايز تعود لي
واللي يقرب لك
يلاقي الجنة نار
ويهرب م المدار
وتهرب انت منه
من جو بتصنعه
وتعيش معاه ثواني
ترجع لعشي ثاني

تلاقيني حافظة عهدي
باستقبالك يا طيري
اللي ما لهش غيري
واللي باصنع معاه
كل الإحساس في لحظة

٢٠٠٦/١١/١٤

* * * *



أنا عارفة

[٧١] _____



بتسعد وسط أصحابك
وتهدأ وانت وياهم
وأنا عارفة
ومن حقي
أكون في الصورة أحبابك
وأرضى لما ألقاهم
أعيش برضاك وترضيني
وأكون واقفة

مع الأيام على بابك
وأقابلهم
بحب كبير يهينني
ويسندني ويديني
زمن صدقي
ملان بكلام ولو عابك
باخذ منهم
واصلحهم
واحيلهم
وانا عارفة
وانا شايقة
خيوط الماضي والحاضر
بتتجمع هنا عندي
وسهل عليّ أقطعها
بتفرض في أمنعها
حنان أو هام

وسطر كلام
وأوراق كلها حكايات
عن اللي فات
عن الحاضر
وأيام ليك كانت ماضي
وحسابي بيك يكون ماضي
في كل الصورة بنورة ..
عليها اتنين
يا عيني عليك
زمن رايح ومش راجع
خلاص في الصورة مش سامع
حنيني إليك
ولسّه الحب مش نافع
وروحك بي ترجع ليك
ولسّه بتجري في الأيام
عايز تاخذ كلام في كلام

عايز تمشي مع الأوهام
عايز برضه يقولوا كلام
ويوصلني
وتسألني
رايدني أعيش مع الغيرة
ويبقى ما ليش سواك حيرة
واخدني ليك عشان بيتك..
يكون بي مكان عيدك
يكون في زمان ضيتك
والحان ليك بتسمعني
وايه يعني؟!
زمان الحب دا زمني
وجوه القلب بيبك لحني
وكان أمني تكون معني
بذكرى حلوة .. تتركها
وأوراق غنوة باجمعها

بيان فيها حنان قلبك
وأخلاق راسية عارفها
تداري وهي مكسورة
وكل الود جواها
تصون العشرة والجيرة
وكسرة عيش بها تصالح
لكسرة عيش مع الأحباب
وحسرة ما فيش بين الأصحاب
أنا عارفة
ومن حقي.
لكن أنا بيك وباتسامح
عشان تفضل
عشانك بانسي ما تغيّر
وباستني أساس أكبر
أحاطني ولا اتكسر

تحاوطني عشان أفضل
عشان تفضل
وباقى العمر مش أكثر
من اللي راح واتبعتر
وكان حقي أكون جنبك
أكون وياك في أيامك
وأسند قلبي في قلبك
وأقول للناس وأحلا مك
باحدد حبي من حبك
وأنا عارفة
وأنا شايقة
أنا وياك وفي الصورة..

٢٠٠٥/٩/٢٨

* * * *

ازاي اسند عليك

لما أكون في الكون معاك
خطوتي ماشية بخطاك
دمعتي باداريها عنك
جننتي تجري في قلبك
يسقي أسرارها لُفّاك
يبقي قل لي ازاي أنا أقدر
أرتوى من كون بيصغر
مش بيدّي مش بيكبر

مش بيسحب عمرى لىك
أو يطيب سحرى بىك
وانت قدامى بتجرى
حتى أيامى بتجرى
ويا أحلامى وفجرى
لما آلامى بتسرى
جوه ضى عىنى فىك
مهما أسند خطور روى
لما بامشى ف نور جروى
تشقى لما تكون بعيد
تبقي محتاجة لحنانك
تبقي مشتاقة لزمانك
والقلب بيدور ببوى
والألم يعند عشانك
لسه بيحدد مكانك
لسه فاكر إنه لىك
* * * *

ليه بتصدمني في عمرى
وانت قدامي بتجري
وحدي بتسيبني تقول لي
لما تسبقني .. في ليلك
يبقي خطوى من دليلك
والمكان من خط سيرك
والزمان بيعود إليك
كل تفكيرك في نفسك
كل تدبيرك عشائك
تفتكر بس ف زمانك
الزمان دا هوّ زماني
والمكان بيعيش بلحني
والهوان يحلى لأنني
بانكسر همس في مكانك
ينشطر في الشمس حزني
لما بارجع لك عشائك

يبقى ليه في الخطو تجري
طب وإيه يستني ليك
لما اشوفك عمر رايح
خطوته بتعود إليك
تسال الأحلام عليك
آجي أسند بيبك خطاي
ما التقيش في إيديك سماي
وابقي عايزة معاك احدد
خطوتي بخطاك وأسند
ما التقيش وياي منك
غير هواك في القلب يعنيد
وانت في لقايتي بتجري
حتى في دماي بتجري
تسبق الخطوة اللي رايدة
تتسند وياك وبيك
وانت مش راضي تهدي

طب أعود ازاي إليك
وانت مش عايز تهدي
لاجل أقدر وانت بيّ
أبقى بيبك في الحب أكبر
تسند القلب بايديك
واتسند تاني عليك..

٢٠٠٥/٩/١٦

* * * *





أنا الشيطان

أنا الأيام
سطور وكلام
وأشجار من مدى أخضر
جذور بالحب تتعطر
وبتنور
مع اللي جاي

يا رايح جاي
أنا الحرفين وبينهم نون
أنا الشطين وجوه الكون
تكون الموجة والمركب
تكون القلب والأحلام
يا رايح جاي
ما بين شط الوصال والبين
بتبعد ويا ريح جارية
وترجع في الموجة السارية
وفين انت تكون يا زمان
وابقى ليك وبردانة
واعيش في المية عطشانة
وأنا باسقيك حنان وأمان
وانت بي رايح جاي
ومهما تروح هترجع لي
ترجع لي

زمانى الحلو من تانى
تقول قلبى اللى كان تايه
رجع لى
وبعد الموج ما فرقنا
رجع تانى وجمعنا
ننول وياه حدود السعد فى الأيام
مداه بيننا يفوق الحد
أنا بلىقاك مدى واحد
أكون الدار
أكون الحال
أكون الشط للأيام
أنا الأيام
أنا أرضك وكل صباح
أفتح بيبك
وموجة تحضن الموجة
بشط عينيك

وجوه الروح
هترجع لي مهما تروح
وها ستناك على الشطين
حروف وياها تستتي
على الشطين
وبينهم انت رايع جاي
تفوت ع النون وتسعدها
تقوم الميم تعاندها
وفين ما تروح هتلقاني
أنا جواك
تاخذني بجد
ويرجع لي هواك في المد
وأكون وياك
وتفضل بي رايع جاي..

٢٠٠٦/٤/١٤

خكري ثورة

ليه اللي باقي م الحياة
منك يا دوب حبة حاجات
أولها .. كنت الزاد
أحلى الكلام في الأغنيات
(حرية .. اشتراكية .. وحدة)
الله .. على العصر اللي فات
والدنيا .. بيبك بتبقى وردة
وشذاها .. زي الفجر آت

(قومية .. عربية) .. ورايدة
حب الشعوب يبقى لها زاد
والكل يهتف ليك ناصر
ويهل ترجف له البلاد
والغرب يسحب عدته
والحرب تحسب غضبته
والحد كلمة تقول له حاضر
والرد همة بألف ثائر
ع الدرب جايين في الميعاد
أبطال وراه والشعلة قايدة
ونضال خطاه من جذوة صامدة
تجعل حماه ضليلة فاردة
قوة كفاح وخميلة واعدة
يرجع معاه كل اللي فات
والكل رافع به الهامات
أيام بتغزل عمر بكرة

أحلام تنوّر كل فكرة
والثورة بزعيمها ميلاد
والأمة كانت أم ضامة...
ف حضنها كل الولاد
والأب كان ناصر حبيبنا
ضلل بهيبته ع البلاد

* * *

أيام ولا الأحلام وعدت
أيتام .. رجعنا بعد موته
وكان دنياتنا ما إدت
لينا الزعامة في وجوده
لا رحنا ولا جينا وهنا
والموت بقى جوانا واحنا
بنقول يامين يحيي صموده
والجور علينا من عالينا
اللي إيديهم مُش إيدينا

والدور علينا جاي ثاني
مكسور يا قلب الأمة جاني
ضيعت كل اللي بنيتة
شيعت للقبر الأماني
وماعادش باقي غير سكوته
والذكرى في كتاب الأغاني
ونضيف لها صفحة وصفحة
أولها راح ويا الأماني..

٢٠٠٥/٧/١٩

* * * *



أيام لها شذى

دي أيامك يا شهر كريم
شذى من روضة الجنة
تخش القلب سهرانة..
مع الصلوات في كل مكان
مع الفوانيس وفرحانة
مع الفتوحات معاك يا زمان
شذى وبالك

شذي التسابيح من الإيمان..

وببها القلب يتهنى

ويتمنى

تزيح ببها قوافل غيم

بتدبل فيها أشجاري

وتستتاني شائلة دموع

تبكينني في وقت رجوع

وتشجينني بفرح جريح

ألم ينده بصوت موجوع

شجن يسكن في روح بنهيم

زمن يسكت لقهر يتيم

بيشهد ع اللي كان متصاب

وكان صايم مع الأحباب

جريح بالجرح يتوضى

طريح ع الأرض واتغطي

بدمه ف يوم عبور نادى
وأمه الأرض بتنادى
على الجايين وع الرايحين
يروحوا ليها بعد غياب
وتبة رمل عطشانة
في بحر الدم غرقانة
علم مرفوع
إيدين الكل ما بترضى
بغير الأم جبانة
وبيهم تبقى ريانة
وتطرح من جديد أشجار
وتفرح ويا عيد يجرّح
في دنيا جاية وتروّح
ما ينفع تبقى لنا الدار
وحبك هو ده الباقي

وانت الخالد الباقي
وروحى بيبك وفيك هايمه
وتعلى لفوق لنور الله
لنور القدره والرحمة
تكون عطشانه وشراقي
ويرويهها جمال الله
تقول : الله
لفيض بيجيهها من ضيبك
يزيد يرويهها في قربك
تقول : الله
يا قلب رحيم ..
عطوف وكريم ..
وانت الحب والسيد
نقرب ليك
تكون الأرض والمسجد

تكون الصحبة والأيام
وأيام فيها تتجلي..
نكون أحلى
نكون وياك رضا وأغلى
ونعلي فوق جراح وذنوب
يهلّ صباح ..
يصحي فينا ويحدد..
رجوعنا إليك
وإنت كريم
وشهر كريم ..
بييجي ف وقته وينور..
بدم الشهدا يتعطر
وعمرى يعود ما يتبدد
وييجي معاك
ما يبقى قديم

يطوف برضاك
شذى وأحلام
ونور أيام
يا شهر كريم
ما تلحق تبقى ويانا
بنورك تبقى دنيانا
في سحر يفيض على الأكوان
قلوبنا بيك بتتصافى
في نهر العيد من الرحمن
ذنوبنا تروح وتنسانا
تجيئنا بعيد وتلقانا
بسر النجوى والغفران
معاك يا رحيم
يا خالقنا وخالق الكون
يسبح لك يارب كريم

غفور منان
عايزنا نعود إليك واحنا
نكون شاكرين وبيك روحنا
تعيش وتهيم
في نور وأمان
وانت الرازق الرحمن
هترحمني مع الجابين
وهارجع لك مع الرايحين
وها خلع في اللقا توبي
زهقت خلاص
دا توب ميت
في دنيا العايش الميت
وروحى معاه بتتقيد..
في وسط الناس
قلوب قاسية ومشغولة

بحب الدنيا مخبولة
وفاكرين انهم عايشين
وقاعدين فوق دموع وأنين
لناس تانية قلوبها حرير
فؤاد ينبض معاه الطير
قلوب خضرا إليك بتصير..
وتبقي النور في وسط الناس
وانت النور
بتسطع فيه كما المشكاة
بترجع بيه مع الأنفاس
مع الوردة مع البذرة
وجوه النقش في الثمرة
وتطلع فيه على الشجرة
بنرجع تاني ويا ضياه
نقول : الله

يا خالق كون يسبح لك..
ويخشع لك
ويرجع نادي في لياليك
نشوفها ثاني في رمضان
شذى أيام من الجنة..
لها معنى
وجوه القلب تستنى
وترجع ثاني تتمنى
تعود من ثاني للرحمن

٢٠٠٥/١/١٦

* * * *



الاسم معنای

[۱۰۳] _____

يا محمد
وانت أحمد
مصطفى والإسم معنى
وانت في العلم المدينه
قلتها أيام رسالتك
عشتها واذيتنا قدوة
في الجهاد والبذل لينا
لاجل نرجع يا نبينا
للعناد من ضي أبيض
يسكن القلب الموحد

اللي بالأخلاق بيشهد
قد إيه ريتك مالينا
يا محمد
وانت أحمد
أحمد القلب وسماته
عهد مقسوم من آياته
عقد ملصوم من صفاته
ترتفع بهواك راياته
راية للرحمن تزغرد
ويا كل شهيد بيصعد
راية للإنسان تحدد
له طريقه ويا زاده
راية بالزواد عشاننا
في حياتنا يكون سبيلنا
أكرم الأخلاق قصادنا
يا اللي شيدت المعالم

يا اللي حاربت المظالم
يا اللي تمتت المكارم
بيك زرنا الأرض نور
واتصالحنا واستقمنا
للجهاد ويا نفوسنا
والجهاد ضد الأعداء
تعالى كلمة رب قادر
اصطفاك ويا الرسالة
واحتفى بيك عند عرشه
وانت نور على نور لرسله
قال لنا : إنت خاتمهم
كلهم للخير بعثهم
بالجمال والطيب وزانهم
بالهدى وياك ولينا
واشترى منهم نفوسهم
اشترانا مؤمنينا

وانت جنتنا وصحابها
يا اللي برضاك اتراضينا
يا اللي ويا لقاءك تجينا
بدر في الجنة ونعيمها
واحنا رافعين الأيادي
واحنا سامعين المنادي
لما بيقول لك يا أحمد
لما بنقول لك محمد
لما بنصلي ونسجد
واحنا بنقول يا محمد
يا حبيبنا ونور عينينا
يا رسولنا ويا نبينا
يا محمد وانت أحمد
مصطفى والإسم معنى..

٢٠٠٥/١٢/١

* * * *

الشاعرة في سطور

- بكالوريوس هندسة القاهرة
- دبلوم دراسات عليا
- شاعرة وقاصة وفنانة تشكيلية
- عضو اتحاد الكتاب وجمعية الأدباء وجماعة الفجر الأدبية ونادي الأدب بثقافة المطرية.
- صدر لها ديوانا شعر :
 - ١- (آه يا وطن) عن مطبوعات الفجر سنة ٢٠٠٣.
 - ٢- (انت عنواني) عن مطبوعات الفجر سنة ٢٠٠٥.
- وصدرت لها رواية "أيام الحب والموت" عن الدار المصرية السعودية للطبع والنشر سنة ٢٠٠٥.
- حائزة على الجائزة الثانية لديوان شعر العامية عن ديوانها "انت عنواني" في مسابقة جمعية الأدباء بالقاهرة لعام ٢٠٠٥.
- حائزة على الجائزة الثانية في مسابقة القصة القصيرة عن قصة "اللحظات الأخيرة" في مسابقة نادي القصة بالقاهرة لعام ٢٠٠٤.

المحتوى

الصفحة	النص	تسلسل
٣	إهداء	-
٥	تقديم د. يمرى العزب	-
٧	كلمة للشاعرة	-
٩	خلاص القلب	١
١٣	حاولت أنساك	٢
١٧	لمين يكون التاريخ	٣
٢١	في قلبي لسه	٤
٢٣	لما باعيش	٥
٢٥	خوفى عليك	٦
٢٧	الرقم	٧
٢٩	لساك يا قلبي	٨
٣٣	عايش جواك	٩
٤٠	دنيا السلام	١٠
٤٣	ولو حتى	١١
٤٧	تمن القلم	١٢

١٣	وتغريبة	٥١
١٤	ويبقى العش	٥٦
١٥	اللي حصل	٦٠
١٦	حالة اكتئاب	٦٥
١٧	با صنع اللحظة	٦٧
١٨	أنا عارفة	٧١
١٩	إزاي اسند عليك	٧٩
٢٠	أنا الشطين	٨٥
٢١	نكرى ثورة	٨٩
٢٢	أيام لها ثدى	٩٣
٢٣	الاسم معنى	١٠٣
	الشاعرة في سطور	١٠٨
	المحتوى	١٠٩

صدر من مطبوعات الفجر

١	تغريبة عززاق الهلالي	د. يسري العزب	دراما شعرية
٢	الهاموش	حسن نور	قصص
٣	المبعثون	إدريس علي	قصص
٤	حكايات مصرية	د. نجدي إبراهيم	قصص
٥	الدائرة	د. نجدي إبراهيم	رواية
٦	شجرة مريم	د. يسري العزب	شعر
٧	تأملات في الفن والثقافة	د. محمد حسن عبدالله	نقد
٨	أمسيات عائلية هادئة	منتصر ثابت	قصص
٩	شجر الليمون	خالد الشوقاتي	شعر
١٠	صفور الحب	نحاة خليل	شعر
١١	حتى لا يطول الانتظار	محمد نور الدين	قصص
١٢	اكتب عمري	ليلى محمد علي	شعر
١٣	زائر بعد منتصف الليل	مديحة أبو زيد	رواية
١٤	خاطنة في الجنة	يحيى سليمان	رواية
١٥	النملة والحداية	عزت زايد	شعر للأطفال
١٦	واحد اثنين	عزت زايد	شعر للأطفال
١٧	المراهن	سيد أمين	رواية
١٨	فيكي إيه يتحب؟!	جلال الصياد	شعر
١٩	فرس جامح	ليلى محمد علي	شعر
٢٠	حريم الملح والسكر	محمد الغيطي	مسرحية
٢١	قمر المغارب	د. يسري العزب	شعر
٢٢	الدنيا جاية	د. فاطمة الحفني	شعر
٢٣	آه يا وطن	منى عوض	شعر
٢٤	تخاريف	نبيل أبو السعود	شعر
٢٥	ليلة دافنة	فرج محمود	قصص
٢٦	ضاح الطريق مننا	عبد الحميد فرج	شعر
٢٧	بشرة خير	مجدي حمودة	شعر

بين الصفحتين	٢٨	رواية	فرج محمود
انت عنواني	٢٩	شعر	منى عوض
الشاطيء البعيد	٣٠	رواية	عبدالواسط أحمد
في العارضة	٣١	شعر	سيد علي عبدالله
التوب الضيق	٣٢	شعر	وفاء أمين
صهيل القسايد	٣٣	شعر بالعامية	فاوي الشريف
بنت البلد	٣٤	دراسة	د. يسرى العزب
خريطة الشعر العامي في مصر	٣٥	دراسة	د. يسرى العزب
شعراء من مصر	٣٦	دراسة	د. يسرى العزب
خطوط كتك	٣٧	شعر	أحمد المسندباد
ومضة أمل	٣٨	شعر	لطفى أبو لين
شهد الموت	٣٩	شعر	أشرف عبدالمنعم

* * * *

رقم الإيداع	: ٢٠٠٧/٧٦٩١
الترقيم الدولي I.S.B.N.	: 977-17-4586-7

زرد للطباعة والكمبيوتر
